



47





From Joan Courtney Lib.

OCT 31 1999

熟地

當歸

防風

蟬退

羌活

白芍藥

炒去刺

穀精草

木賊

各一錢

玄參

五分

犀角末

一錢

黃連

大黃

炙甘草

木通

各一錢半

為細末

小兒每服一字大人二字羊肝湯食後調服

日三夜一忌口將息

蜜蒙花散

治痘入目翳膜遮睛

蜜蒙花

菊花

石決明

白蒺藜

木賊

羌活

右末每服二三錢茶清調下

兔糞散

治痘入眼亦可煉蜜為丸酒送下三

五十九丸 兔糞炒黃為末用蟬退木通甘草煎

湯頓服

兔糞丸 治痘入眼或生翳障

兔糞炒四兩 石決明煨 草決明 木賊去節

白芍 防風各一兩 當歸五錢 穀精草二錢

右末蜜丸菘豆大每服三五丸荆芥湯送

下

吹耳丹

輕粉 飛丹 為細末左眼翳吹右耳右眼吹

左耳只吹一二次

又方 加雄黃射香少許 外用石燕子一對煇

郎一對二味磨水當服

罩胎散 治妊婦出痘 一方有陳皮枳殼大熟

加鬱金

川芎 川歸 芍藥 人參 白朮 茯苓

甘草 柴胡 條芩 防風 荆芥 白芷

葛根 砂仁 紫草 阿膠 桔梗 糯米

水煎服

安胎散

川芎 當歸 白芍 人參 白朮 白朮

甘草 條芩 陳皮 紫蘓 砂仁 炒阿膠

香附 艾葉 紫草

各等分加姜枣水煎服

安胎飲

大腹皮 酒洗 人參 桑皮 白朮 白芍

紫蘓 砂仁 香附 甘草 加糯米水煎服

胎漏加阿膠百草霜

柳花散 室女發熱經行

柳花 五七錢 紫草 一兩二錢 升麻 九錢 歸身 七錢半

右末每服七錢 葡萄酒煎湯調下

鉄箍散 治痘後癩毒

鳳凰 退燒灰醋調圍四畔 畱頭出毒氣甚佳

蕎麥粉法 痘瘡破者用此敷之 潰爛者以此遍

撲之極佳 蕎麥粉以絹袋盛撲於瘡上或以

此襯於床褥上

温粉撲法 治汗出不止

黃連 牡礪粉 貝母 各末五錢 粳米粉 升一和勻

絹袋盛周身撲之

蟬花散 治爛痘生疽虫及夏月諸虫咬傷臭惡

不可近者服之虫皆化而為水蒼蝇亦不敢近

蟬退 洗淨焙 青黛 澄去灰土各五錢 北細辛 二錢半 蛇退 一兩

右為細末每服三錢酒調下仍以生寒

石細末摻之

治痘未作膿痛甚心曠煩躁睡卧不安

服之 真青黛如枣核大水調服之即安

樺皮散 治痘瘡及乳癰并一切腫毒

樺皮木剉煎溫服以藥味苦平無毒 若治乳

癰取樺皮燒存性為末酒調服之立消

獨勝散 治早晨微熱晚發大熱目黃脇動身熱

手冷發甚如驚者又名牛旁姜蚕散

牛旁子 五錢 白姜蚕 二錢 紫草 二七 水煎服速

進三四服其痘便出蓋姜蚕治遍身癰疹疼

痛牛旁發痘透肌紫草利竅要知痘疹無虛

寒証者服此痘立出也

蘿蔔湯 治痘疹出不快者

右用開花蘿蔔煎汁時時飲之 蓋痘疹氣勻即出快 蘿蔔治嗽定喘下氣消脹解毒

紫河車散 治小兒痘瘡毒氣不解上攻咽喉聲

音不出舌頰生瘡過逆煩悶潮熱面赤

紫河車 即金線 茜根 貫衆 各三錢 白芍藥

甘草 多各五錢 右每服三錢生姜一片水煎服

一方有牛旁子

野通散 治痘瘡出不快及傷寒不語

乾野人糞 即狢猴糞 火燒存性 冰片 真麝香 各半分

右為細末每服五分看大小用新汲水入蜜

調下十歲以上者服一錢 按野人糞治蜘蛛

咬瘡與治痘出不快大效蓋蜘蛛咬瘡久

而不愈其絲生皮膚延受遍身不愈者加雄

黃青黛水調以蜘蛛試之立化為水屢驗蓋

此三味是治瘡疹當用之藥取山中者若人

家所養之猴食物味雜即不効失其本真也

南金散 治痘已出而復擱其勢甚危諸藥不効

者萬無一失本家印貼此方施人全活

紫背荷葉

霜後搭水紫背者

白姜蚕

洗去系炒乾

右為末等分每服看大小大者一錢小者五分研羌萎汁和酒下米飲亦可治此症多有用龍腦人牙者卒難措辦惟此無毒而效且速但紫背者甚難得可於鹽舖內尋之

橄欖飲

治倒靨

橄欖從中截斷水服少許服之立發

乳香猪血膏

治痘不起發

乳香

研末

猪心血搗為丸櫻桃大每服一九水

磨化下

蜀藤紫草散

治痘疹不快

鈎藤鈎子

紫草茸

等分為細末每服三五

分溫酒調下蓋紫草滑竅利小便散十二經

毒氣鈎藤治小兒寒熱十二驚癇綠驚癇出

於心肝瘡疹亦心所主也

鴉片散

治痘當起脹灌膿時泄瀉不止諸藥不

効者如神

真鴉片

錢一

蓮肉

炒一錢

右每服半分或一分米飲調下立止

葛根黃芩湯 治喘有汗發熱咳嗽

乾葛 黃芩 各二錢 黃連 芍藥 石膏 各一錢

五味子 十一粒 甘草 五分 水煎服

五味子湯 治喘促而厥

五味子 一錢 人參 一錢 麥冬 杏仁 各二錢

右姜三片 棗三枚 水煎服

清肺飲 治咽乾声啞

麻黃 一錢 麥冬 二錢 知母 天花粉 荆芥

各一錢 訶子 菖蒲 各八分 桔梗 二錢

水煎入竹瀝姜汁服

天花散 治痘後失音

天花粉 桔梗 茯苓 訶子 石菖蒲

甘草 各等分 竹葉七片 黃荆 一寸 水煎服

補肺散 治痘未出声啞

阿膠 蛤粉炒成珠 牛子 炒三分 杏仁 去皮尖

甘草 二分 馬兜鈴 黃芪 各五分 糯米 炒

水煎食後時時嚥之

利咽解毒湯

治痘咽喉痛首尾皆可用

山苳根

麥冬

各一錢

牛子

炒

玄參

桔梗

各

分甘草分二

防風

分五

菴苳

分四十九粒

右水煎服

三黃熟艾湯

痘後咽寒喉痺

黃連

黃芩

黃柏

艾葉

各等分水煎服

玉鎖匙

咽喉腫痛或帝鍾拖下不收及喉舌強

硬

研砂錢

朴硝

分五

姜蚕

條一

冰片

分半

為末吹入

羌活當歸湯

治腰背痛初發熱時便宜服之

羌活

當歸

獨活

錢各一

羌胡

錢一分

桂枝

分十

防風

川芎

黃柏

錢各一

桃仁

紅花

分各八

酒水各半煎服

又方治腰痛有蒼朮漢防

已

如神湯

治腰痛

當歸

桂皮

玄胡索

各等分為末酒下二

三錢

活血解毒湯

治餘毒

防風 荆芥 生地 赤芍 當歸 連翹

牛子 黃連 紫草 甘草 蒼朮 薄荷

川芎 木通 各等分水煎服

胎元散 痘不起發不紅潤是血氣俱虛

胎元焙乾為末加射香少許酒調服三五分

水楊湯 治痘乾尅不起者

水楊柳 春冬用枝秋夏用枝葉生水邊細葉紅梗枝上有圓菓滿菓有白鬚散出俗名

梅 水楊 右以枝葉切碎水煎七八沸先將一分

置盆內手拭不寒不熱令痘兒先服內托之

劑然後浴洗漸漸添湯不致太冷浴洗久許

乃以帛撚火照之纍纍然有起勢起處竟有

暈暈有系乃漿影也如漿不滿再浴若弱者

只浴頭面手足可也既不赤躰不厭多洗灯

照如無起勢乃氣血敗無生意矣

溫膽湯 治痘血寒顏色灰慘血凝不活腹脇脹

滿面青筋縮嘔清水或瀉青菜色

白茯苓 橘紅 半夏 甘草 枳實炒

各等分竹茹一錢姜枣水煎服

陳氏木香散 治痘氣寒鼻流清涕咳嗽惡風自

汗身軀寒戰瘡色慘白

木香臨時磨服大腹皮黑豈汁洗淨人參各三錢赤茯苓

前胡 青皮去穢炒半夏炮七次丁香 訶子肉

炙甘草各二錢半灯心一錢半 每服三錢姜枣水

煎服看大小加減

中和湯 治全上

人參 黃耆 厚朴姜汁炒 白芷 川芎

當歸 粉草 桔梗 白芍酒炒 肉桂去粗皮

防風 霍香 各等分酒水各半姜棗煎服

瀉肺散 治痘氣熱鼻乾燥皮毛枯槁咳嗽瘡色

焦紫即瀉白散

桑白皮蜜炙地骨皮 甘草 各等分加竹葉二

十片灯心水煎服

清肺飲 治症全前

麥冬 桔梗各二錢 知母 荊芥 天花粉各一

錢石菖蒲 訶子肉各八分 水煎服

清金湯 治口氣臭

知母 黃芩 石膏 桔梗 甘草 天門冬
麥冬 馬兜鈴 木通 山施 天花粉 各
等分水煎服

解毒托裏散 治痘稠密

桔梗 牛旁子 人中黃 防風 荊芥穗
酒紅花 歸尾 蟬退 升麻 乾葛 赤芍
連翹去心 各等分水煎入燒人屎調服

四物快斑湯 治痘火盛乾燥

當歸 川芎 赤芍 生地 荊芥穗 牛子

升麻 葛根 連翹 紫草 地骨皮 水煎
入燒人屎服

四君快斑湯 治痘氣虛淫濕

人參 黃耆 白朮 茯苓 甘草 桂心
白芷 荊芥穗 防風 陳皮 白芍 酒炒
各等分水煎服

大補保命湯 治痘皮嫩易破者

人參 黃耆 當歸 生地 川芎 赤芍
甘草 牛旁子 防風 荊芥穗 連翹

官桂 水煎入燒人尿服

清金導赤飲 治痘熱氣肺金當痂不痂作喘煩

躁謔語小水不利垂危

當歸 白芍 陳皮 貝母 軟石膏 白茯苓

苓 甘草 黃芩 酒炒 黃連 酒炒 杏仁 桑白

皮 蜜炒 枳殼 炒 木通 滑石 麥冬 車前子

人參 玄參 各等分水煎服

人參固肌湯 治痘毒發太過致肌肉不密痘痂

粘肉久不落者

人參 黃耆 甘草 當歸 蟬退

各等分入糯米一撮水煎服

人參清神湯 治痘痂不落昏迷沉睡者

人參 黃耆 甘草 當歸 白朮 土炒 麥冬

陳皮 酸棗仁 黃連 酒炒 茯苓 各等分加

束糯米水煎服

馬齒莧散 治痘痂不落成斑痕者

馬齒莧搗汁猪脂膏石蜜共熬膏塗腫處

當歸桂枝湯 治痘後手足不能屈伸

當歸 川芎 黃耆 甘草 薄桂 黃栢

蒼木炒 各等分水煎 如氣虛少加川烏以

行經加人參為主 如感風寒以致骨節疼

痛加羌活防風

玄參化毒湯 治痘後赤遊丹毒

玄參 歸尾 紅花 連翹 軟石膏 赤芍

防風 地骨皮 木通 荆芥穗

各等分加竹葉水煎服

蚕退散 敷牙疳

粘礬 塗 即屎桶中垢也 五倍子 各二錢 蚕退 燒存

性 為細末先以米泔水用蟻螬虫翻轉煎

水洗淨瘀血以藥敷之

黃連陰慝丸 治狐惑瘡

黃連 二錢 芦會 乾蟾 煨各一錢二分 史君子肉 二錢

半 蕪荑 一錢五分 川棟子肉 一錢

右末烏梅洗淨去核搗膏和丸米飲下

蜆子湯 治痘後發癰

蜆子不拘多少活者以水養五七日旋取其水

洗之蜆衣煮湯亦佳

卡三味敗毒散 治癰毒

當歸 白芷 川山甲炒土 金銀花 防風

乳香製 甘草 陳皮 赤芍 皂角刺

貝母 沒藥製 天花粉 各等分酒水各半

煎服

涼肝明目散 痘後羞明

當歸 龍胆草 密蒙花 川芎 羌胡

防風 酒連 各等分雄猪肝煮湯煎服

望月沙散 痘後暗室中不能開者

穀精草 密蒙花 酒洗 蟬退去翅足 望月沙一兩

右為末雄猪肝一兩竹刀批破用藥一錢摻

入肝內水煮熟飲汁食肝効

羊髓骨髓 治痘痂歆落不落癩痕

羊髓骨髓一兩 煉入輕粉一錢研成膏塗之

小靈丹 解毒發痘之聖藥治紅斑黑陷不起一

切危惡如服此而不見効者次無可生之理矣

硃砂 雄黃各錢 乳香 沒藥各製一錢半

大蟾蜍

取心肝瓦上焙乾五錢

射香

三分

為細末取猪心

血雞冠血丸皂子大每服一丸身無大熱

生酒化下熱甚不飲酒紫草灯心湯下即

時紅活而起

神功散 治痘作渴

人參 黃芪 甘草 牛旁子 紅花 生地

前胡 紫草 白芍 水煎服

紅花湯 治全上

紅花或子隨意煎湯飲其渴即止綴口中如烟

飲之即止 加牛旁子充妙

加味鼠粘子 治咽中有瘡作嘔

桔梗 射干 山荳根 防風 乾葛 陳皮

荆芥 連翹 水煎細細呷之

灯心竹葉湯 治乾嘔

竹葉三十 灯心三十 水煎服

潤腸湯 治虛秘

歸梢 甘草 生地 火麻仁 桃仁泥

水煎服

八二八卷
五三
拔毒膏 治痘疔

雄黃研 胭脂重浸水令濃調雄黃點疔痘上

立時紅活亦神法也蓋雄黃能拔毒胭脂能

活血也

涼血地黃湯 室女出痘遇經不止熱入血室

當歸 川芎 白芍 生地 白朮 升麻

黃連 甘草 人參 山梔仁 玄參

水煎服

涼血解毒湯 治女人出痘非經期於發熱時而

血忽至

當歸一錢二分 白芷五分 升麻四分 紫草一分

紅花一錢 赤芍一錢 桔梗八分 連翹三分

燈心二十根水煎服

當歸養心湯 治女人出血口瘡不能言者

人參 當歸 麥冬 甘草 升麻 生地

各等分加燈心水煎服

瀉肝散 女人經水不斷適逢出痘發熱昏沉言

語狂妄 羌活 川芎 防風各八分 當歸一錢

山梔仁

龍胆草

各五分

大黃

酒蒸三次一錢

水煎服

一方有木通柴胡黃芩

歸脾湯

女人經閉不通血海乾涸適逢出痘以

此調其心脾不使血妄行加柴胡山梔名加味

歸脾湯

人參

白朮

茯苓

黃耆

遠志

地骨皮

各一錢二分

甘草

三分

木香

五分

酸棗仁

一錢

姜棗煎服

逍遙散

女人出痘寒熱不時經水不調服以其

血不致妄動

白朮

茯苓

當歸

芍藥

甘草

柴胡

各等分加棗一枚水煎服

加

丹皮山梔名加味道逍遙散

如聖散

妊婦出痘安胎

白朮

黃芩

當歸

枳殼

黑薑

大腹皮

砂仁

甘草

桑上羊兒藤即桑寄生

各等

分水煎服

黑神散

婦人出痘分脫後痂血作痛

當歸

川芎

熟地

炮姜

桂心

蒲黃

炒

香附

童便炒

木香

青皮

黑薑

酒水各半

煎服

原疹

生生子曰麻疹浙地呼為瘡子又曰沙子吳地呼為疹子新安呼為麻總由有生初之淫火伏於命門之間命門具太極之理而陰陽五行繫焉臟腑之所由生也蓋五行一陰陽陰陽一太極也天之與人咸相感通由其通故天寒而人身寒天熱而人身熱也天之癘氣一動則所稟之毒隨感而發陽感之則疹出焉陰感之則痘出

焉陽浮而淺故疹易出易歛陰凝而深故痘難出難痂陰陽二劫之毒尽出則向安矣余故曰人之出疹出痘猶蚕之一眠二眠三眠也痘雖出於陰而實藉於陰以血為之資也何見之痘非氣行則血不附安得結痂疹非血濟則氣失依焉能收斂斯陰陽升降之理一開必一闔血之附氣氣之依血陰根於陽陽根於陰陰陽互為其根也前人謂痘出於臟不知指何臟疹出於腑

不知指何腑而云之也又謂疹出心肺故鼻涕
而咳嗽余謂此皆臆度套詞而非有真知一定
之見也既曰疹出於腑心肺獨非臆乎按內經
鼻為肺之門戶通天氣陽毒上發熱毒薰蒸蓋
心肺位尊高上又肺主毛竅毒從竅出是干於
肺而非出於肺也要知痘之與疹皆出於命門
之陰陽也 右釋麻疹

一發熱之初多似傷寒惟疹則咳嗽噴嚏鼻涕
涕眼泡腫其淚汪汪面浮腮赤惡心乾嘔為異

耳但見此候便宜謹避風寒戒葷腥厚味急表
散之使皮膚通暢腠理開豁而疹毒易出也

一疹痘之發雖曰胎毒未有不有天行疔氣故用
藥必先明歲氣兼之時令如溫煖時月以辛涼
發之如防風解毒湯暄熱時月以辛寒發之黃
連解毒湯大寒月以辛溫熱劑發之桂枝解毒
湯時寒時煖以辛平之藥發之升麻葛根湯此
因時投劑不可誤作傷寒妄施汗下而伐天和
也又須看人虛實如大便秘結煩熱甚而發不

出者以酒大黃微利之吐利不止以參芍之類
補之

一用前藥發散而疹隨見為美若發不出再加發
之如加味麻黃散之類外以芫荽酒糟蒸熱擦
之看其疹自頭至足為之出齊頭面愈多為佳
若遲延日久而不出則腹脹氣喘昏眩悶亂煩
躁而死矣

一看疹之法尋於耳後項上腰腿先見其頂尖而
不長其形小而均淨淡紅為吉若色紅甚兼火
化也化斑湯王之人參白虎湯佐之如色白者
此血不足也養榮湯如色紫赤乾燥暗晦乃火
盛毒熾宜六一散解之四物湯加柴胡黃芩乾
葛紅花牛旁子連翹之類滋陰涼血而熱自除
所謂養陰退陽之義也此亦五死一生之症外
大青湯玄參解毒湯皆可選而用之若黑色者
則熱毒尤甚為十死一生之症須明察之勿妄
施治

一表後看疹隱上然見於肌膚成片切忌風寒生

冷如一犯之則皮膚閉塞毒氣壅滯遂變為渾身青紫而毒反內攻煩躁腹痛氣喘悶亂諸症作矣欲出不出危亡立至

一疹已出而忽沒者乃風寒所遏而然也若不早治毒成內攻必致瘁瀉而死急用消毒飲合升麻湯熱服則復出而安矣

一發熱之時遍身汗出者此毒從汗散玄府開疹易出也有鼻中血出者此毒從血解也俱不可遽止之若汗出太多血出不止者此又火甚逼

迫太過致液妄流妄行矣急宜當歸六黃湯加浮小麥以止汗茅花湯加玄參百草霜以止血遲則汗出多而元氣虛血出多而精神散為不治之症矣

一發熱之時或嘔吐或自利或滯下者此火邪內逼毒氣上行則吐下行則利毒甚則裏急後重而為滯下也吐者竹茹石膏湯利者升麻澤瀉湯滯下黃芩芍藥湯加黃連生地木通人參枳殼或少加大黃微下之

一發熱之時未有不口渴者但宜以菘葢灯心炒
米湯飲之人參白虎湯佐之取生津解毒而已
若恣飲冷水恐生水畜之疝故水入於肺為喘
為咳宜用葶藶子以洩肺中之水水入於脾為
腫為脹為自利水入於胃為嘔為利宜用猪苓
澤瀉茯苓以瀉脾胃之水水入於心為悸為驚
宜赤茯苓灯心湯以洩心下之水水入於肝為
脇痛用羌花以洩之水入腎與膀胱為小便不
利為陰囊腫用車前子木通以洩之皆當隨症

而治

一疹出之時咽喉腫痛不能飲食者以毒火拂鬱
上薰也宜柑桔湯加玄參牛旁連翹更以十全
散玉鎖匙吹之不可妄用鍼出血也

一疹出之際咳嗽口渴心煩者以毒在心肺發未
盡也瀉白散加天花粉連翹玄參黃連以瀉之
或黃連杏仁湯

一疹出之時自利不止或瀉稀水頻數者有吉有
凶但要着其疹若遍身稠密太盛或紫色或紅

色此則為吉蓋毒在大腸非瀉則毒不解惟用
平胃散加葛根連翹以解之而已疹一發透依
期而收瀉自止也若疹已收而瀉尤未止者驗
其躰熱疹必未盡再用前藥加連翹黃連牛旁
木通澤瀉以分利之六一散亦妙絕若用訶子
肉果等澁滯之劑則變喘急腹滿痞脹不治之
症矣若疹色淡而躰不熱口不渴大小便利飲
食少進此為凶乃虛寒之症方可溫補或兼收
瀉

一疹出常以六時辰即收為率如子時為陽午後
收午後為陰子後即收乃陽生陰成陰生陽成
造化自然之妙也故漸出而漸收者其勢輕可
若一出之後熱不退連綿三四日而不收者此
毒火太盛外發未盡內有餘邪所致須以化斑
湯三味消毒飲加玄參石膏桔梗為治
一疹出後自然熱退若遍身既出而猶拂拂煩熱
頻作嘔吐者此毒尚未盡留連於肺胃之間宜
化斑湯如大便秘少加大黃微利之

一疹已收去渾身反發熱日夜不退此毒未盡解
邪火鬱於肌肉之間久則毛髮焦乾皮膚枯槁
肌肉消瘦為骨蒸癆瘵之症宜芦會肥兒丸加
龍胆草當歸連翹等治之遲則有變睡則露睛
口鼻氣冷手足厥逆癩瘖慢脾風為不治之症
矣

一疹收之後身雖不見羸瘦但時發壯熱煩躁不
寧搐掣驚悸神昏悶亂者以陰血衰耗致餘毒
入肝而傳於心也宜養血安神四物湯加麥門

冬酸棗仁淡竹葉灯心甘草石菖蒲龍胆草
神黃連辰砂為治或以前藥為末用餅豬心
血為丸服亦可

一疹毒入胃久而不散致成牙齦黑爛血出為走
馬疳傳於兩頰浮腫久而穿頰破腮缺唇破鼻
為崩砂狐惑等危症矣外用文蛤散雄黃散搽
之內用人中白芦會史君子龍胆草黃連五靈
脂餛餅為丸滾水服之以清胃火亦或有得生
者但不尋見也

一疹出之時曾作瀉痢未經清解至疹退之後變為休息痢不問赤白裏急後重日夜無度此餘毒在大腸也須分虛實治之實者三黃丸利之或香連丸和之後用黃芩湯虛者從補

二疹退之後微咳者此餘毒未及也用清肺飲加消毒飲主之若咳甚氣喘連聲不住名為頓嗽甚至飲食湯水俱噎出或咳出血者此熱毒乘肺而然也宜多服麥門清肺飲加連翹若見胸高如龜背作喘血從口鼻出搖首捶頭

色白或青或紅或紫者乃不治之症然亦有肺氣為毒以遏而發喘連聲不已但無嗽咳血出噎食之症者宜用清肺飲倍加人參治之尤不可拘於肺熱之一端而純用清肺解毒之藥

一疹退之餘聲啞不出或咳或喘或身熱不退以致日久而不愈者此熱毒未及肺金受剋故也宜清金降火湯加竹瀝姜汁主之一疹退之後飲食如常動止如故而卒然心腹絞

痛遍身汗出如水者此因元氣虛弱失於補養
外雖無病裏實虛損偶然為惡氣所中謂之中
惡此朝發夕死之疔間有用蘓合香丸而甦者
一疹退之後有餘熱未盡或發癰毒肢節疼痛者
以羗活散微汗微利

一疹退之後有餘熱未盡或熱甚而失血者犀角
地黃湯合解毒湯或四物湯加茵陳木通犀角
之類以利小便使熱氣下行而愈

二疹收之後餘熱未盡日夜煩躁譫語狂亂者犀
砂益元散灯心湯下或辰砂五苓散加苓連治
之若初起煩躁譫語者升麻葛根湯調辰砂益
元散主之

一麻疹一疔比之出痘似輕然調治失宜其禍反
不旋踵蓋痘由胎毒而發其形勢多少輕重吉
凶自可預斷至疹之出則雖由感受邪氣而發
然其輕者可重重者可輕皆在於調治有方故
其飲食禁忌比痘尤甚若誤食雞魚則終身皮
膚粟起如雞皮之狀但遇天行出疹之時又令

重出誤食猪肉則每歲出疹之月必然下痢膿血誤食鹽醋致令咳嗽則每臨出疹之月必復咳嗽誤食五辛之物則生驚熱不時必待四十九日或百日後方無禁忌也

一孕婦麻疹但當以四物湯倍加白朮條芩艾葉安胎清熱為主使胎無虞而疹易沒也如胎氣上衝急用苧麻根艾葉煎湯磨楨柳并服之更多服上藥為妙

一熱毒薰胎胎多受傷而母實無恙也蓋疹與痘不同痘宜內實故胎落而下而母安雖與其胎去而母存孰若子母而全之為愈也

麻疹輕重不治三症要訣

或熱或退五六日而後出輕 發透三日而暫沒

者輕 頭面多而勻淨 澤者輕 頭面不出

者重 紅紫暗燥者重 咽喉腫痛不食者重

冒風沒早者重 移熱大腸變痢者重 黑暗

乾枯一出即沒者不治 鼻扇口張目無神者

不治 鼻清糞黑者不治 心前吸氣喘者不
治

水痘症

夫水痘亦類傷寒之狀身熱二三日而出或咳嗽
面赤眼光如或噴嚏或唾涕與正痘不同易出
易靨不宜燥濕苟或燥之恐結痂多變成瘡之

症

湯散 古本只共一方或作湯服亦可

地骨皮 活石 甘草 各五分 甜葶藶 麻黃

大黃 知母 羌活 人參 各一錢 右為末每服

五分用小麥七粒煎湯調下

防風葛根湯治痘發癰疹 及疹麻發熱

防風 葛根 升麻 赤芍 甘草

各等分水煎服

防風解毒湯 治麻痘初發熱如時令溫煖用煖

辛涼之藥發之

防風 薄荷 荆芥 石膏 知母 桔梗
牛子 甘草 連翹 木通 枳殼 竹葉

灯心各等分水煎服

黄連解毒湯 治麻痘初發熱如時令暄熱用此

辛寒之劑發之

黃連 黃芩 黃柏 山梔 牛旁子 甘草

防風 荆芥 知母 石膏 桔梗 玄參

木通 姜三片水煎服

桂枝解毒湯 治麻痘初熱如時令大寒用此

溫熱之劑發之

桂枝 麻黃 赤芍 防風 荆芥 羌活

甘草 桔梗 人參 川芎 牛子

生姜水煎服

升麻解毒湯 治麻痘初熱如時煖時寒用此

平之劑發之

升麻 葛根 羌活 人參 柴胡 前胡

甘草 桔梗 防風 荆芥 牛旁子 赤芍

連翹 竹葉 水煎服

加味麻黃散 麻痘發不出以此發之

升麻 酒洗 麻黃 酒炒 人中黃 牛旁子 蟬退

各等分水煎服

化班湯 治麻痘色紅

人參 知母 石膏 甘草 牛旁子 連翹

升麻 地骨皮 竹葉 糯米 水煎服

養榮湯 治麻痘色白

人參 當歸 紅花 赤芍 桂水炒 甘草

水煎服

大青湯 麻痘紫赤暗晦乾燥

玄參 大青 桔梗 人中黃 知母 升麻

通 梔子仁 水煎入燒人屎服

秘加酒大黃

茅花湯 痘鼻衄

茅花 丹皮 生地 甘草 各等分

水煎服

竹茹石膏湯 治麻痘嘔吐

橘紅 半夏 石膏 白茯苓 竹茹 甘草

右水煎服

升麻澤瀉湯 治麻痘自利

猪苓 澤瀉 滑石 赤茯苓 甘草 黃連

酒炒 升麻 各等分水煎服

黃芩芍藥湯 治麻痘滯下

條芩三錢 白芍 升麻各二錢 甘草一錢

水煎服

卡全散 治咽喉腫痛

黃芩 連 黃栢 苦參各酒炒 玄胡索

三 乳香製各二分 孩兒茶 雄黃各五分

共為細末每用少許吹入

茅會肥兒丸 麻後發熱日夜不退肌肉消瘦骨

蒸癆瘵

茅會 龍胆草 木香 蚰皮 人參 麦芽

炒 使君子肉各二錢 煨榔 黃連酒炒 白蕪荑

各三錢 胡黃連五錢

右末猪胆汁糊為丸黍米大每服五六十九

米飲下

文蛤散 麻毒入胃牙肉黑爛出血走馬疳疔

雄黃五錢 五倍子二錢 枯丸五分 蚕退帛燒存一

錢 右細末米泔水洗淨以藥搽之

雄黃散 治全上

雄黃錢一 黃柏錢二 射香分一 先用艾湯淨洗

後搽藥

麥冬清肺飲 麻後咳嗽出血或噎湯水

知母 貝母 天門冬 桔梗 甘草 杏仁

牛旁 石膏煨 馬兜鈴蜜水炒 糯米 右水

煎服

清火降火湯 麻後熱乘肺金声啞不出或咳或

喘 當歸 白芍 生地 陳皮 貝母

瓜蒌仁 甘草 白苓 桔苓酒炒 山梔炒

玄參 天冬 麥冬 杏仁 桑白皮 石膏

紫蘊梗 酒連 右各等分姜一片水煎服

生生子曰麻疹咳嗽喘急每用痘門中大小無比

散每服五七分大者一錢即刻喘定而睡醒後

神安氣和而愈屢用屢驗乃熱毒從小便出也

加減四味升麻湯 此升發之劑但一二帖則止

不可過表 升麻 葛根 赤芍 甘草

防風 桔梗 紫蘓 蒼朮 陳皮 枳殼

柴胡 姜東煎服

水痘赤痘即與一服而愈不必他方雜治

